

四庫全書

集部

欽定四庫全書

傳家集卷十

宋 司馬光 撰

律詩五

贈祖擇之

人生榮與辱百變似浮雲自有窮通定徒勞得喪分  
消愁唯有酒娛意莫如文方寸常蕭散其餘何足云

和宋子才致仕後歲旦見贈

閒官逢獻歲拜揖亦紛然須信家居日方為已有年  
劬

勞中外偏名迹始終全伯玉空搔首蹉跎愧在前

上元書懷

老去春無味年年覺病添酒因脾積斷燈為目阿嫌勢  
位非其好紛華已久厭唯餘讀書樂暖日坐前簷

喜才元過洛小詩招飲

素髮各垂領舊交相見稀不唯春物好況是錦衣歸洛

社凍醪熟

詩春酒凍醪也

伊魴絲鱸肥

唐人諺曰洛鯉伊魴貴於牛羊

南軒已

灑掃命駕不須違

仲庶同年兄自成都移長安以詩寄賀

蠶叢龜印解鶉野隼旗新  
借問錦江樂何如興慶春  
歌遮去轍竹馬望行塵  
惠政如膏雨遙知彼此均

西臺詩二十四韻

翰苑昔陪侍天光辱顧瞻  
寵雖承渙汗功不立毫纖  
山鹿纓頻頓鉛刀礪不銛  
拭花眸子缺撚雪領髭添  
跼影慚尸素胡顏處禁嚴  
辭盈雖免戾取少詎因廉  
定鼎分都異張官執法兼  
剡章愚懇盡出綽茂恩霑  
原憲非無

粟胡威尚有縑求田近瀍洛買宅混閭閻地僻宜花卉  
兒勤付米鹽倦遊良足悔居吉不煩占裘葛膚無見困  
倉飯屬餐僧居閒可借野步靜無嫌行樂筇枝瘦延賓  
稻醴甜麥田泥試履桑蔭帽低簷愛竹忙猶種貪書老  
未厭松煙溪石潤檀爐博山尖牋啓來慵拆衣冠脫怕  
拈紫毫斜倚架黃卷密垂籤涸轍猶蒙潤寒灰免附炎  
所憂資秩滿但願歲時淹自是散無用非為智養恬聖  
朝英彥富幸許一夫潛

和邵堯夫年老逢春

年老逢春春莫咄，朱顏不肯似春回。  
酒因多病無心醉，花不解愁隨意開。  
荒徑倦遊從碧草，空庭慵掃自蒼苔。  
相逢談笑猶能在，坐待牽車陌上來。

和范景仁謝寄西遊行記二首

洛川秦野鬱相望，風物山河舊帝鄉。  
澗底逢人問樵徑，松間繫馬宿僧房。  
恨無同好攜三雅，共講前聞醉百場。  
李白詩：痛掃鸚鵡洲，與君醉百場。  
歷徧勝遊翻悵望，日邊回首遠煙蒼。

八水三川路渺茫  
翠微深處白雲鄉  
目眩懶拭如松液  
領髮頻抓似栗房  
林壑不嫌無用物  
形骸難入少年場  
緣苔躡蔓知多少  
千里歸來屐齒蒼

獨步至洛濱二首

拜表歸來抵寺居  
解鞍縱馬罷傳呼  
紫衣金帶盡脫去  
便是林間一野夫

草軟波清沙徑微  
手攜筇竹著深衣  
白鷗不信忘機久  
見我猶穿岸柳飛

送酒與邵堯夫

紅櫻零落杏花開  
春物相催次第來  
莫作林間獨醒客  
任從花笑玉山頽

再和邵堯夫年老逢春

年老逢春猶解狂  
行歌南陌上東岡  
晴雲高鳥各自得  
白日遊絲相與長  
草色無情盡眼綠  
花林多思襲人香  
吾儕幸免簪裾累  
痛飲閒吟樂未央

又和來韻



年老逢春無用驚對花弄筆眼猶明不嫌貧舍舊來驚  
喚起醉眠何處驚一僕相隨幅巾出羣童聚看小車行  
人間萬事都損去莫遣胸中氣不平

邵堯夫許來石閣久待不至

淡日濃雲合復開碧蒿清洛遠縈迴林端高閣望已久  
花外小車猶未來

石閣春望

極目千里外川原繡畫新方知平地上見不盡青春

和邵堯夫安樂窩中職事吟

靈臺無事日休休安樂由來不外求  
細雨寒風宜獨坐  
暖天佳景即閒遊  
松篁亦足開青眼  
桃李何妨插白頭  
我以著書為職業  
為君偷暇上高樓

和范景仁聞蟬

春林滿巖綠誰信已鳴蟬  
葉上正多露山中別有天心  
閒寧感物道合況忘年  
坐聽生秋思何須膝上絃

和范景仁宿憩鶴寺

回廊複閣勢縈紆  
四嶺中涵一氣虛  
最愛欣欣向榮木  
每來相見不相疎

遊噴玉潭二首

驚風動地起遊客  
望山行若待佳辰  
去應無好事名  
萬木吼穹谷  
駕駘屹不前  
猶勝望塵客  
佇立九衢邊

和范景仁

昨朝景氣如暑天  
僮僕流汗衣裘單  
安知向晚暴風作  
一變陽春成大寒  
比時結友尋名山  
伶俜徒步水石間

棘刺冒衣行路難枯藤壽柏同攀援驚沙擊眼百箭攢  
時得閑爍窺林巒景仁年長力更孱牽衣執手幸不顛  
仍聞旁谷有伏虎賴得與君俱早還

按律詩卷中誤編  
入古詩諸本皆同

遊山呈范景仁

景仁年六  
十三致仕

我祿多龔舍

舍為吏不過六  
百石輒自免去

君年少孔戣

戣七十致仕  
韓愈留之

道心閒始見世路老方知山水不相厭風光難豫期嬉  
遊不可緩花卉即離披

和范景仁遊壽安

宜陽城下作遊人都為衣冠不繫身衆竅怒號成地籟  
也勝終日在紅塵

噴玉潭

千尺崖頭一派清古今不絕墜崢嶸長風卷起散巖壑  
此日方知噴玉名

疊石溪二首

道傍行采藥石底卧題名

溪邊有石橫出下甚隘野老  
景仁卧其下題名而去

相迎拜谿童乍見驚

山鳥勸人飲

山多提壺鳥

山蟬笑我狂

山蟬聲如笑

歸時興未盡

不得看斜陽

### 和范景仁疊石溪

溪邊有村落未始識紛華  
去縣只數里居民踰百家  
山腰荒徑轉谷口翠微遮  
老木紛無際重巒浩莫涯  
力窮纔到頂勢盡復成窪  
不定雲煙色難名藥草芽  
泥鈞羅比屋澗石載連車

谷口多窰窰土人自女几澗采石載來賣之為油

宛有淳風

在誰云太古遐  
梁隨木性曲簷  
逐地形斜榛路  
牛呼犢

叢祠雀噪蛇倚崖松偃蓋落石浪翻花安用遊青嶠何  
須躡紫霞好將詩筆寫還入帝城誇已買漁樵舍毋令  
後約差

應天院朝拜四呈景仁

鷄鳴上馬過河橋何異東都赴早朝紅日已高猶熟寢  
比君殊未得逍遙

和景仁卜居許下

景仁頃見許居洛今而  
背之故詩中頗致其怨

壯齒相知約歲寒索居今日鬢俱斑拂衣已解虞卿印

築室何須謝傅山許下田園雖有素洛中花卉足供閒  
他年決意歸何處便見交情厚薄間

喜雨三首呈景仁侍郎兼獻大尹宣徽

累日增煩暑通宵結薄陰蒼茫變風色散漫作春霖野  
店垂楊重僧房綠篠深疎慵尤得趣閑戶擁重衾

漠漠春雲合熾熾旱氣收人心方有望時雨不須求豈  
獨老農喜仍令惡客留洛城花未謝作意更同遊

麥田正塵坌桑徑忽滂沱比屋起相告荷鋤行且歌園



林半肩鎖車馬絕經過大尹愛民物何妨喜更多

亨杞下第作詩示之

清白君家舊文章時態新何妨偶蹉跌未必遂沈淪莫  
歎科名晚惟憂道誼貧進修專在已得失盡由人孝友  
亦為政簞瓢足養親那將少年淚容易輒傷春

景仁思歸雨未克行以詩畱之

嘉客念歸程泥深未可行今朝陰又重春雨亦多情

送景仁至丁正臣園寄主人

客到暫開局春蕪生滿庭主人殊不顧修竹為誰青

和君貺老君廟姚黃牡丹

芳菲觸目已蕭然獨著金衣奉老仙若占上春先秀發  
千花萬卉不成妍

又和董氏東園檜屏石牀

密葉蕭森翠幕紆暫來猶恨不長居脫冠解帶坐終日  
花落石牀春自如

奉同運使陳殿丞

知儉字公廩

惜洛陽牡丹為霜風

所損

名花多種欲紛敷，一夕霜風非所虞。  
節物偶然何足道，人情遺恨不能無。  
飄飄健筆詩千首，惆悵東風酒百壺。  
縱使前春滿朱檻，使車那復滯西都。

又和惜春謠

朝來風雨歇春意，漠然收去我不辭。  
訣憑誰能借畱杓，星漸西轉洛水自東流。  
曲渚撤華幄，芳園罷彩毬。  
雉鳴丘麥秀，蠶起野桑柔。  
亂絮天涯滿，晴陽草際浮。  
已嗟心

緒減况復鬢絲稠賴聽新翻曲非為負勝遊

劉伯壽坐中度曲命

曰惜春謠

還陳殿丞原人論

宗密所撰破自然破元氣破天命明佛性

品物芸芸遊太虛不知誰氏宰洪爐一株花落分榮辱  
萬竅風號見有無覺後共占猶是夢衣中所得亦非珠  
何如鼓瑟浴沂水春服成時詠舞雩

和王秀才

虞仲字道濟

以光始自陝右遊山歸復將

登少室爲詩見寄

瘦馬飄飄屢往還疲勞專為訪名山須知筋力行將老  
漸恐峯巒不可攀蠟屐早能尋勝槩彈冠悔更落塵寰  
幸依賢者為東道大得逍遙水石間

和景仁西湖泛舟

滿船歌吹拂春灣天外晴霞水底斑誰信飛觴臨綺席  
獨能回首望青山東門車馬忽忽別西洛風煙寂寂閒  
疊石溪頭應更好却輸野叟坐林間

新買疊石溪莊再用前韻招景仁

一溪清水珮聲寒兩岸莓苔錦繡斑三徑誰來卜隣舍  
千峯我已作家山鹿裘藜杖偏宜老紫陌紅塵不稱閒  
早挈琴書遠相就放歌爛醉白雲間

貽夸者

我樂非君樂君憂非我憂蓬蒿與溟渤終老不同遊

春遊

人物競紛華驪駒逐鈿車此時松與柏不及道傍花

和潞公遊天章楚諫議園宅

名卿新治第上宰舊連牆槐蔭青青葉星鄰兩兩光林  
花裂錦狹門路築沙長共引庭間水交生壁外簾魚窺  
薦琴石螢散讀書牀玉帳方懷遠松齋欲就荒旌幢今  
少憇蘭蕙不徒芳早晚平狼望同來舉壽觴

還張景昱景昌秀才兄弟

翩翩新詩卷青春映棣華機雲今繼美載協舊承家幸  
託仁人里時回長者車白虹光亂眼何敢議瑜瑕

和宇文公南塗中見寄

驄馬烏紗遊洛塵未能全得自由身  
深慙白首戀微祿不向青山為散人  
斥鷃卑飛聊取適冥鴻高舉益難親  
蜀都迢遞千餘里徒誦新詩妙入神

酬張二十五秀才南園遣意

景昱字明叔

花卉日相續朝昏興寄新  
露荷香入坐風竹淨無塵  
嘯詠皆羣從喧囂遠四鄰  
須知軒冕客富貴不關身

酬張三十秀才見贈

景昌字子京

樸學居人後清塗忝衆先  
瓠因無用棄木為不才全比



得林泉趣仍依邑里賢自慚頭半白方解賦歸田

八月十五日夜陪留守宣徽登西樓值雨待月

久不見

經歲侍佳節無如陰霽何果然時雨足安用月華多未  
免銀缸進空聞玉漏過庾公興不淺久為駐鳴珂

秋雨新霽遊水北馬上偶成

秋色與秋聲蕭然滿洛城未霜林葉赤新雨野風清水  
氣侵肌冷嵐光刮眼明誰云景如畫但恐畫難成

運使虞部按行洛西諸縣因遊所過名山有詩  
百餘首合為一篇蒙賜寵示俾之繼作一首  
屬城窮僻地攬轡徧周流弊政已更化名山不廢遊鳴  
騶留谷口輕履歷巖幽聚看官儀者相扶半白頭

和君貺暮秋四日登石家寺閣曉泛洛舟二首

嬉遊乘曉霽登覽犯秋寒不出埃塵外安知在壤寬宮  
前斷山碧林表落霞丹欲下惜佳趣相留更倚欄

右登閣

葉下宮槐老雲飛洛浦秋復陪元禮棹却望仲宣樓曲

岸迷頻轉遙山碎不流夷猶聊寓賞浩蕩得忘憂晨出  
露漸徑昏歸月滿舟星河散寥廓珠貝映汀洲林館回  
車入壺觴秉燭遊山公興未盡徒御且番休

右泛舟

又和六日四老會

萸房迎令節菊蘂入芳筵華燭初長夜清霜未冷天悲  
風咽橫吹驟雨送繁絃聊附鄒枚客敢希園綺賢

和王少卿

尚恭字汝之

十日與留臺國子監崇福宮

諸官赴王尹賞菊之會

儒衣武弁聚華軒盡是西都冷落官莫歎黃花過佳節  
且將素髮共清歡紅牙板急絃聲咽白玉舟橫酒量寬  
青眼主公情不薄一如省闥要人看

和白都官序見贈

齒疎鬢白兩眸昏萬事無堪老病身脫粟猶霑太倉祿  
法官仍忝外臺臣直緣迂僻求閒地豈是孤高慕古人  
英俊滿朝皆稷契太山何必一飛塵

酬邵堯夫見示安樂窩中打乖吟

安樂窩中自在身猶嫌名字落紅塵醉吟終日不知老  
經史滿堂誰道負長掩柴荆避寒暑只將花卉記冬春  
料非空處打乖客乃是清朝避世人

和邠守宋度支迪來卜居與南園為鄰

弱冠交遊鬢髮蒼飽諳官况好深藏閒居共買一壥地  
盡老常依數仞牆雖喜卜鄰同晏子尚慙推宅異周郎  
何時稅此憑熊駕倚仗相迎立路傍

和張文裕初寒十首

何處初寒好初寒郊郭城垂紳多俊彥列第盡公卿裘  
馬過從盛門閭灑掃清誰家擁獸炭盡日管絃聲

何處初寒好初寒洛汭宮翠華雖脉脉佳氣自葱葱闕  
角月華白苑牆霜葉紅都人心望幸注目不離東

何處初寒好初寒洛水橋沙痕水清淺風葉柳蕭條關  
塞長塗直嵩丘倒影遙鳳樓雖在北車馬不塵囂

何處初寒好初寒太室山晴空煙澹泊返照雪孱顏極  
目鴈稍沒無心雲自還猶餘拜表累不得坐松間

嵩山  
去洛

近二百里五日僅能往  
遂以妨拜表未果往

何處初寒好初寒禹鑿門遙天露崖口輕浪漱山根萬  
佛龕苔老一燈林靄昏漁梁杳相望石瀨夜聲喧

何處初寒好初寒噴玉泉折冰流谷口飛溜落雲邊雀  
噪聚林杪樵歌下石巔尋幽不思返坐嘯夕陽偏

何處初寒好初寒疊石溪山斜改昏曉路曲失東西拾  
栗走村稚鑿垣巢乳雞我來閒攤褐曝背草簷低

何處初寒好初寒肅政臺官閒免簿領門靜少塵埃天

借風霜氣人無鷹隼猜庭荒餘老柏尚有夕鳥來

何處初寒好初寒遊弈園林間葉未盡籬底菊猶存結  
竹為庵小開爐構火溫誰言處城市岑寂似丘樊

何處初寒好初寒福善居長宵對燈火滿室聚詩書暫  
息登山屐休脂下澤車所安容膝地何必更多餘

遊弈  
福善

皆坊  
名

### 和君貺少林寺

達摩自云傳佛心緒言迷世到於今既攜隻履歸西域



安得遺靈在少林孤月正明高殿冷清風不斷老松深  
謝公自愛山泉美肯為幽禪此訪尋

又和嶽祠謝雪題嶽寺平法華庵

宴坐幾何年庭蕪與砌連焚修真諦苦功行得無圓闕  
里詩三百賴鄉文五千厭煩猶不讀何況淤泥蓮

平住庵不

出近四十年日誦  
法華經數十卷

望日示康廣宏

清晨三綠袍羅拜北堂高積善因先烈餘光及爾曹勿

矜從事早當念起家勞修立皆由己何人可佩刀

和君貺題潞公東莊

嵩峯遠疊千重雪伊浦低臨一片天百頃平皋連別館  
兩行疎柳拂清泉國須柱石扶丕構須人待樓航濟巨  
川蕭相方如左右手且於窮僻置閒田

和君貺任少師園賞梅二首

寒壓春頭草未芽喜閑置酒賞新葩官儀赫奕三川守  
野意蕭疎四皓家不用管絃妨淡泊豈容桃李競繁華

金瓶梅詞話卷十  
昏鴉散亂傳呼出歸路林間燭影斜

風日雖寒晝景長探春遠訪白蓮莊岸冰猶在水先綠  
柳葉未生條已黃老木根侵苔徑窄新梅花入酒卮香  
天真不必人修飾得趣勿嫌臺館荒

又和開叔

寒梅犯雪榮大隱久專名異種生江渚何年到洛城

洛中

雖有梅開花常晚獨大隱梅最先開相傳好事者自江南移來今數十年矣色如虛室白香

似主人清嚮使吳兒見不思菰菜羹

和公廩喜雪

用莊字韻

邠來河洛久愆陽  
禱祀徒勞罄肅莊  
林雪飛花欣暫白  
麥田濡葉未全黃  
城中稍覺桑新貴  
村外時聞社甕香  
八使孜孜憫惇獨  
斯民那復畏凶荒

和史誠之謝送張明叔梅臺三種梅花

別後相驚兩鬢霜  
可憐梅藥為誰芳  
臺頭日暖分三色  
林下風清共一香  
正爛漫時遊不足  
忽離披去樂難常  
慙慙手折遙相贈  
不欲花前獨舉觴

早春寄景仁二首

辛夷花爛開故人殊未來愁看柳漸綠忍更折殘梅

去歲

景仁約辛夷花開即來洛中芍藥謝乃去

疊石溪上春茅茨卜築新前言如不踐山蟬又笑人

和君貺宴張氏梅臺

京洛春何早憑高種嶺梅紛披百株密爛漫一朝開青  
女工黏綴霜娥巧剪裁崑山雲滿谷蓬渚浪成堆勢擁  
樽前合香從席下來蛺蝶飛天起練甲洗兵回不使光

風散曾無夜色催人稠衣馥郁地狹舞徘徊民服名公  
化時推何遜才

何遜有  
早梅詩

淹留文酒樂璧月上瑤臺

看花四絕句

洛陽相望盡名園牆外花勝牆裏看手摘青梅共按酒  
何須一一具杯盤

洛陽相識盡名流騎馬遊勝下馬遊乘興東西無不到  
但逢青眼即淹留

洛陽春日最繁華紅綠陰中十萬家誰道羣花如錦繡

金史四  
卷十  
人將錦繡學羣花

南園桃李近方栽澆水未乾花已開  
山果野蔬隨分有  
交遊不厭但頻來

留別友生

野際共為別客亭芳草新何心更執酒  
滿目盡傷春  
今古無窮路東西相背塵  
行行復回首不欲著鞭頻

二月六日初見待漏房前柳色微綠  
欣然成詠  
宮城映出絲絲綠  
頻覺皇州春意迴  
從此不辭驅瘦馬

六街終日踏塵埃

垂柳

天意清和二月初  
春風不動整如梳  
陶潛宅外時無此  
想更蕭條不易居

閒居

故人通貴絕相過  
門外真堪置雀羅  
我已幽慵僮更懶  
雨來春草一番多

中秋陪張龍圖讌射堂初夕陰雲酒行頓解喜



而成詠

飛蓋共徘徊西園高宴開秋雲惜明月留待庾公來

貽宋四行簡迪

離羣如幾辰屈指十青春不意輪蹄跡共茲京洛塵  
文場投漆契客路轉蓬身別易相逢闊過從莫厭頻

和國子夏主簿李花有章

儒官岑寂覺春閒仙李繁花重壓欄碎錦不飛蒙樹合  
素雲歌亞舉枝難能詩此日當推謝捧賜他年足繼桓

更約雕盤薦秋實豈徒穠豔一朝看

傳家集卷十

欽定四庫全書

傅家集卷十一

宋 司馬光 撰

律詩六

和君貺清明與上巳日泛舟洛川十韻

繁華兩佳節邂逅同時雅俗共為樂風光如有期  
曉煙新里巷春服滿津涯已散漢宮燭仍浮洛水  
巵占花分設席愛柳就張帷華轂爭門去輕簾夾  
路垂一川雲錦爛四座玉山欹疊鼓傳遙吹輕橈  
破直漪清談何衮

袞和氣益熙熙想見周南俗當年播逸詩

和君貺寄河陽侍中牡丹

真宰無私嫗煦同洛花何事占全功山河勢勝帝王宅  
寒暑氣和天地中盡日玉盤堆秀色滿城繡轂走香風  
謝公高興看春物倍憶清伊與碧嵩

又和安國寺及諸園賞牡丹

洛邑牡丹天下最西南土沃得春多一城奇品推安國  
四面名園接月波山相著書稱上藥翰林弄筆作新歌

人間朱粉無因學浪把菱花百徧磨

送酒與邵堯夫因戲之

前送牡丹藥苗堯夫皆有詩

林下雖無憂可消許由聞說掛空瓢請君呼取孟光飲  
共插花枝煮藥苗

酬仲通初提舉崇福宮見寄

富壽安民舊學違符移攤筆素心非青雲有路那足顧  
白髮滿頭胡不歸永日杜門無俗客臨風隱几得天機  
西山爽氣秋應好恨不相從上翠微

酬君貺和景仁見寄 三首

嬾拙無時用者朋  
獨我思乘閒同把酒  
道舊各成詩  
高義刮眼膜  
清風生鬢絲  
方將激衰俗  
賤子獨何為

北闕黃金印  
西山白髮翁  
訐謨帝廷異  
小築洛川同  
晴野峯峯碧  
霜林葉葉紅  
無因侍樽席  
惆悵又秋風

右上海宣徽

何事掛冠客  
至今留帝臺  
紅塵終可厭  
青眼不長開  
春

路半消雪寒  
枝初破梅南  
園虛客席  
洒掃望公來

右上海侍郎

和王安之四絕句

野軒

黃雞白酒田間樂  
藜杖葛巾林下風  
更若食芹仍暴背  
野懷併在一軒中

汙亭

雜花亂種盤渦底  
小屋深居鑑燧心  
朝市囂聲那得到  
晨昏暑氣不能侵

藥軒

雨餘條甲繞堦生  
往往桐君昔未名  
采貯不須勤暴篋



秋陽日日滿簷楹

晚暉亭

俯臨城市厭諠譁  
回顧園林景更加  
醉立斜陽頭似雪

往來誤認白公家

樂天西樓獨立詩云身著白衣頭似雪時時獨立小樓中路人回顧應生

惟十六年來見此翁

喜雨呈明叔

蘊隆亦太甚  
奮蔚不朝隲  
直可憂秋廩  
非徒病夏畦  
民心或能徹  
天造固難稽  
黯淡雲纔簇  
滂沱日未西  
衣襟

坐來冷城闕望中迷園筍新梢活庭蕉濕葉低響從窻  
破紙行喜屐生泥昨旦煩相報憑君謝竹雞明叔家舊  
養竹雞放  
之林中今蕃息頗  
多俗以為雨候

六月十八日夜大暑

老柳蝸蟬噪荒庭熠燿流人情正苦暑物態已驚秋月  
下濯寒水風前梳白頭如何夜半客束帶謁公侯

閒中有富貴

閒中有富貴迴與俗塵殊水淨齊紈展花繁蜀錦紵竹

風寒扣玉荷雨急跳珠可笑公孫衍酣歌誇丈夫

寄唐州吳辨叔二兄

方城古稱險遠在豫州南近歲汙萊闢新民秦晉參當  
官誠近厚獲譴亦無慙但惜牆陰竹歸軒幾日驂

自題寫真

黃面霜鬚細瘦身從來未識漫相親居然不可市朝住  
骨相天生林野人

和安之久雨

秋霖逢甲子禾耳恐須生流俗幸無驗高田猶有成潤  
唯藜莠得爛與蕙蘭并早晚浮雲豁逍遙賦晚晴

和宋復古小園書事

飽食復閒眠風清雨霽天葉深時墜果岸曲乍藏蓮波  
面秋光淨林梢夕照鮮東家近亦富滿地布苔錢

復古詩首句云獨步復靜坐輒繼二章

踽踽出東軒徐徐步小園何須從吏卒亦不引兒孫躡  
屐尋莎徑攜筇撥水源愁聞俗客到唯說市朝喧

右獨步

一榻僅容膝身心俱寂然直緣知樂內亦不為安禪槩

几陳編掩竹窓殘局捐尚餘喧噪在野鳥與林蟬

右靜坐

光詩首句云飽食復閒眠又成二章

錢少何須萬杯多不過三龜腸本易足熊掌詎宜貪散

步竹齋外高吟柳徑南北心無所用脫粟亦深慙

右飽食

秋懷一事無暑盡盡涼初竹戶靜長閑藜牀安有餘逍

遙化胡蝶容易入華胥天上多官府神仙恐不如

右閒眠

和明叔九日

不奈衰鬚白羞看朝鑑明聊憑佳節酒強作少年情雨  
冷弊裘薄風高醉帽傾如何不行樂况復值秋成

閒居呈復古

閒居雖嬾放未得便無營伐木添山色穿渠擘水聲經  
霜收芋美帶雨接花成前日鄰翁至柴門掃葉迎

和明叔遊白龍溪

溪深荒徑微尋勝不知疲寒月影隨馬曉風冰滿髭行  
歌被褐叟聚戲拾薪兒外野饒真趣令人懷抱夷

和景仁七十一偶成

心地長閒為己物  
年華不住是天時  
當如海上乘槎客  
維楫都無任所之

六十寄景仁

從來好與天爭力  
困竭方知己力微  
見事晚於蘧伯玉  
今知五十九年非

去春與景仁同至河陽謁晦叔  
館於府之後園

既去晦叔名其館曰禮賢  
夢得作詩以紀其

事光雖愧其名亦作詩以繼之

蓬飛匏繫十餘年並蔭華懷出偶然  
郭隗金臺雖見禮華歆龍尾豈能賢  
浮雲世味閒尤薄寒柏交情老更堅  
明日河梁即分手人生樂事信難全

與王樂道約會超化寺比至樂道以疾先歸塗  
中有詩見寄

顛毛種種齒浮搖屈指交遊漸寂寥  
時較半朝非是晚路無數里不為遙  
子猷垂到復歸去安道雖知未易邀



古寺徘徊久東望青春雲日冷蕭蕭

和王樂道再以詩見寄

諫垣簪筆接英遊今日華顛昔日憂  
邂逅升沈皆是命逍遙出處本無愁  
衡門不羨金門貴藿食焉知肉食謀  
溟海榆枋各安分蓬萊未必勝蒿丘

晚春病起呈擇之治臣

風日正和柔身輕喜病瘳  
嬾拋殘蠹簡暖脫弊貂裘  
值客開青眼逢花忘白頭  
家家好春色何處可同遊

次韻和宋復古春日五絕句

雪霜哀鬢拔還生桃李新園長未成五十尚能勝六十  
今年又減去年情

車如流水馬如龍花市相逢咽不通獨開柴荆老春色  
任他陌上暮塵紅

東城絲網蹴紅毬北里瓊樓唱石州堪笑迂儒竹齋裏  
眼昏逼紙看蠅頭

家藏歌吹只西鄰吹落梅花歌落塵百葉桃開深院裏

卷十一  
輸他白髮有情人

驚拂人衣絮撲頭紅英滿地綠陰稠殘春舉目多愁思  
休上迢迢百尺樓

酬宋叔達

道復古之兄

卜居洛城見寄

離羣四十一春風縱有相逢似夢中幸得相逢作鄰舍  
但嗟彼此是哀翁漢文前席人將去復古謫官不日牽復庾信誅

茅橐未充

來詩云自笑顛狂便歸去並無穿繫買山錢

悵望金隄碧蕪濶杖

藜攜手幾時同

和王安之題獨樂園

草濃初過雨林靜遠含煙鶯引新飛  
敲荷承半墜蓮朋來惟有月山見不  
須錢誰與同其樂壺中濁酒賢

和吳辨叔知鳳翔見寄

岐陽府舍始相逢四十餘春屈指中  
昔日布衣今露冕當時小吏亦哀翁  
醉吟久作藏身計條教應多及物功  
惟是綵衣難再著長林極目起悲風

和王安之今春於鄭國相公及光處得綴珠蓮

各一本植之盆中仲夏始見一花喜而成詠  
末句云未知先合謝誰家

春凍消時種兩芽南風薰日見孤花先開必自陶鈞力  
且合歸功丞相家

君貺環溪

地勝風埃外門深花竹間波光冷於玉溪勢曲如環  
榮路回翔厭華軒嘯詠閒堪羞謝太傅不復到東山

瞑目

瞑目思千古飄然一烘塵山川宛如舊多少未來人

獨樂園二首

獨樂園中客朝朝常閉門端居無一事今日又黃昏  
客到暫冠帶客歸還上關朱門客如市豈得似林間

放鸚鵡二首

野性思歸久籠樊今始開雖知主恩厚何日肯重來  
雖道長安樂爭如在隴頭林間祝聖主萬歲復千秋

呈樂道

歡迎俛仰皆陳迹薄宦須臾即色空試憶昔年雙桂會  
只如前日夢魂中

和劉伯壽陪潞公禊飲

旌幢車騎滿沙頭鼓吹喧繁畫鷁浮十里羅紈光照地  
千家簾幕遠臨流觴隨洛水周公事月映鳳樓裴相遊  
令典久墮火規切今更舉行聞美俗徧中州

南園雨霽景物粗佳懷楚正叔王安之

洛陽秋雨闕荒圃物華饒白鶴寒尤盛紅薇晚未彫烏

驚朱實墮雲滅翠岑遙揚子方嘲白相如尚苦瘡

安之有疾

徘徊瞻望近邂逅笑談遼官冷慙無具相思不敢招

和潞公與張昌言楚正叔遊獨樂園徘徊久之

主人不至

茂勲成亮采勝賞寄風流閒引翹林客同為獨樂遊厭  
居華宇盛翻愛弊廬幽愧不先操篲迎塵立道周

潞公遊龍門光以室家病不獲叅陪獻詩十六

韻



旄節擁憑熊逶迤向鑿龍順成時過蜡閉塞令行冬雪  
壑痕猶濕梅林思已濃傳呼空谷應前導白雲逢飛蓋  
多邀客停車數問農禹功雙壁斷佛劫萬龕重絕頂標  
孤刹疎林透遠鍾氣蒸泉郁郁冰綻水溶溶藥閣低臨  
渚茅庵背倚峯凍醪資野酌寒筍佐晨餐公作藥寮潞  
公庵臨伊庵  
皆在碁局多依石茶爐坐蔭松醉醒皆衆共小大盡公  
龍門從顧以私恩累難追勝賞蹤原思初不病叔夜亦非慵  
稽古慙經筭搗華怯筆鋒會須參後乘異日待從容

初夏獨遊南園二首

取醉非無酒忘憂亦有花  
暫來疑是客歸去不成家  
桃李都無日梧桐半死身  
那堪哀病意更作獨遊人

和景仁答李才元寄示花圖

高士閒居舊名花獨步今  
移從洛浦遠濯自錦江深  
傳得巫山貌非因延壽金  
不須天女散已解動禪心

近歲舉世

談禪獨景仁未耳今亦有空相之句故卒章戲之

或謂光嗤景仁談禪而自談又因用前韻為景

仁解禪

賤子誤已久景仁迷自今良因拯溺急是致涉波深到  
岸何須棹揮鉏不見金浮雲任來往明月在天心

題傳燈錄後

呬著聲聞酒更狂佗州浪走不歸鄉誰曾縛汝安用解彼  
自無創勿誤傷探月拾針傳妄語安居暇食賴先王但  
令時世如三代達摩從他面向牆

奉和大夫同年張兄會南園詩

徽字伯常

露濃秋過半，氣爽雨收餘。  
取酒邀嘉客，呼兒掃弊廬。  
生涯數畝地，官業一軒書。  
竹結垂綸屋，泉分入座渠。  
愜心皆樂事，容膝即安居。  
梁靜栖無鶯，波澄戲有魚。  
茂林穿繚繞，微徑步虛徐。  
果落方知熟，莎長不忍除。  
過從常苦遠，接待每慙疎。  
不厭茅茨陋，時迂長者車。

答張伯常之郢州塗中見寄

適意遺軒冕，輕於鴻一毛。  
扁舟千里遠，佳句百篇豪。  
酒飲宜城美，歌聞白雪高。  
家林已春色，慎勿滯江皋。

獨樂園新春

春風與汝不相關何事潛來入我園  
曲沼揉藍通底綠新梅剪綵壓枝繁  
短莎乍見殊堪喜鳴鳥初聞未覺喧  
憑仗東君徐按轡旋添花卉伴芳樽

和潞公真率會詩

洛下衣冠愛惜春相從小飲任天真  
隨家所有自可樂為具更微誰笑貧  
不待珍羞方下筯只將佳景便娛賓  
庾公此興知非淺藜藿終難繼主人

景仁書云去冬因酒病耳病牙遂不入洛以詩

寄呈

許昌攜手盡時英  
況復新開甲第成  
醉裏都將春作達  
老來不向酒藏情  
齒疎無廢街盃趣  
耳病猶分度曲聲  
舊友昔遊渾忘却  
可憐寂寂洛陽城

又云新鑄黼斛與今太府寺尺及權衡若合符  
契復次前韻

裁甯累黍久研精  
况復新修黼斛成  
豈校忽微爭口語

本期淳古變人情既言樂律符今尺但恐蕭韶似鄭聲  
若欲世人俱信服鳳凰再集潁川城

王安之以詩二絕見招作真率會光以無從者  
不及赴依韻和呈

真率由來無次第

來詩云真率會名今第幾

經旬踰月不為稀藍輿

但恨無人舉

今日軍士皆請糧不獲趨赴

坐想紛紛醉落暉

來詩云數酌仍須就晚暉

杯盤豐腆勝陶令園沼繁華減白家惆悵佳辰掩

蓬華不陪高會賞隣花

來示云下瞰隣花

用安之韻招君從安之正叔不疑南園為真率

會二首

榆錢凌亂柳花飛枝上紅英漸漸稀  
莫厭街杯不虛日  
須知共力惜春暉

真率春來頻宴聚  
不過東里即西家  
小園容易邀嘉客  
饌具雖無亦有花

二十六日作真率會伯康與君從七十八歲安  
之七十七歲正叔七十四歲不疑七十三歲



叔達七十歲光六十五歲合五百一十五歲  
口號成詩用安之前韻

七人五百有餘歲同醉花前今古稀走馬鬪雞非我事

紵衣絲髮且相暉

樂天九老詩云七人五百七十歲

經春無事連翩醉彼此往來能幾家切莫辭斟十分酒  
儘從他笑滿頭花

別用韻

坐中七叟推年紀比較前人少幾多花似錦紅頭雪白

不遊不飲欲如何

其夕宿獨樂園詰朝將歸賦詩

平曉何人沒井華  
轆轤聲發散春鴟  
開園更有四五日  
映葉尚餘三兩花  
宿病岑岑猶帶酒  
無眠耿耿不禁聲  
茶自嫌行樂妨年  
少遽索藍輿且向  
家

邀子駿堯夫賞西街諸花

今年節物非常晚  
春盡西街花尚多  
試問二三真率友  
小車藍舁肯重過

呈張子賤朝散

名于新自安  
邑徙居洛

近時洛社名真率  
簞食壺漿取次遊  
試問西來老朝散  
可能同志便相收

和邵興宗秋夜學舍宿直

直舍逍遙度清夜  
暫接逢掖解儒冠  
高樓影背星河轉  
疎竹氣兼風露寒  
籬下黃花新藥亂  
門邊碧柳舊株殘  
折腰把板今無有  
勿似陶潛遂棄官

和吳冲卿病中偶書呈諸同舍光時亦卧疾

病來門不掃秋草翳吾廬棄置賢人酒蕭條長者車冥  
迷牀關蟻潤溽篋生魚藥物從無繼簞瓢自有餘形神  
寂可弔身世邈相疎何事文園客消中亦著書

月下小飲

美景賞心相值難良宵四座盡儒冠月華過冷衣襟潤  
酒力易消樽俎寒自有笑談供逸氣不須絲竹借餘歡  
坊樓五鼓欲催曙桂影長先高興闌

舉首孤輪不似遙尊前狂氣出雲霄常娥不惜借丹桂

欲就高枝掛酒瓢

馬病

羸病何其久仁心到棧頻須憐首宿歎當認主人貧客  
舍同蕭索山程共苦辛未能逢伯樂且可自相親

慶歷七年祀南郊禮畢賀赦

雷鼓千通破大幽天開獄鑰縱累囚驛書散出先飛鳥  
一日恩流四百州

送張太博肅知岳州

嚴風秀木折為薪得罪由來為出羣粥粥黃雞憎鶴介  
芄芄青蔓掩蘭薰天資讒嫉多端巧人極精明不易分  
飲水豈言吳刺史謗書翻似馬將軍波濤洶湧動寒野  
樓閣蕉堯壓暮雲紅葉寺深秋暖見蒼山鐘迥夜清聞  
何妨絕境聊為中正恐中朝亟用君身外百愁俱擲置  
放歌沈飲且醺醺

和之美河西列岫亭二首

秋山對疎牖客倦登臨雨後嵐光活晴初落照深素

波明別浦赤葉照衰林竹目寂無語何人知此心

亭臯資遠矚秋思浩無涯鴈唳牽菱蔓童歌出荻花壘  
荒猶叱犢枝暗稍栖鷓鴣煙靄藏東渚憑軒莫望家

書事

志士喜功業感時心易勞蘼莪終枯柏荒蔓任蓬蒿梁  
竦慵為吏蕭咸恥詣曹風霜果不變會見出雲高

釣魚有感二首

垂竿臨晚岸堅坐據莓苔餌落萍初散魚驚荷暫開有

求雖瑣細未獲且低回君識磻溪老曾垂綠髮來  
野釣披榛竹無人知往來高空飛不下鷗鳥已相猜

憶龐之道

疇昔兩垂髫知音結久要何言半塗別不待歲寒彫幸  
有才名在非隨氣運消英靈猶髣髴宿草已蕭蕭

興宗約遊會靈久不聞問以詩趣之

勝地何妨行樂頻萬雙白壁不餘春臘醅已老久未壓  
揚柳青青不待人



清明日興宗飲趙道士東軒

佳遊得令辰過此不為春  
一境風光秀萬家煙火新  
驚初飛玉殿草不染香輪  
逼水蒲牙短圍堤柳帶勻  
縱談高出古落筆健生神  
日暮還醒去林花應笑人

上巳日與太學諸同舍飲王都尉園

冠蓋鬱相依名園花木稀  
游絲繁復展狂絮墮還飛  
積絮遺風陋蘭亭舊俗微  
何如詠沂水春服舞雩歸

寄題洪州慈濟師西軒

登臨傳勝絕  
悵息未成遊  
山氣高凌霽  
湖光碧照秋  
煙疎茶竈迥  
燈冷竹房幽  
安得聊憑檻  
蕭然洗客愁

傳家集卷十一

欽定四庫全書

傳家集卷十二

宋 司馬光 撰

律詩七

會不疑家席上紀實

名客客俱來賞花花正開  
寒暄方得所風雨不相催  
席上柳飛雪門前車隱雷  
主人意仍厚安得不徘徊

三月三十日微雨偶成詩二十四韻書懷獻留

守開府太尉兼呈真率諸公

春盡少歡意昏昏睡思添正憂花意索更用雨聲兼乍  
語鶯喉澁慵飛柳絮黏落英紅沒砌茂草碧侵簾寶相  
錦鋪架醪醕雪擁簷沼萍浮鈿靨林筍露犀尖坐惜光  
風駛行愁畏日炎追隨任塵甑歌笑望霜髯落筆詩情  
放飛觥酒令嚴金丹呼勝彩玉燭擢新籤傲岸冠巾側  
淋浪襟袖霑飢仍留瘦馬歸必待清蟾筋力雖無幾娛  
遊亦未厭脫身離簿領適性得閭閻多病非辭責無才  
豈養恬清塗誠愧忝微祿已傷廉日費須三爵年支仰

數縑糲糧粗能足著蔡不煩占河洛今為盛圖書昔所  
潛家家花啓戶處處酒飄帘溫飽資兼愛安平倚具瞻  
愚夫猶樂育下客愈撫謙落拓形骸逸優遊歲月淹餘  
生信多幸狂醉亦無嫌

其日雨中聞姚黃開戲成詩二章呈子駿堯夫

穀雨後來花更濃

洛人謂穀雨為牡丹厄今年穀雨後名花始開

前時已是玉

玲瓏

前時與堯夫遊西街得新出白千葉花以呈潞公路公名之曰玉玲瓏

客來更說姚

黃發只在街西相第東

園夫張八家在富相宅東

小雨留春春未歸  
好花雖有恐行稀  
勸君披取魚蓑去  
走看姚黃判濕衣

立夏呈安之

留春春不住  
昨夜的然歸  
歡趣何妨少  
閒遊勿恠稀  
林鶯欣有託

前日始聞鶯

叢蝶悵無依  
窻下忘懷客  
高眠正掩

扉

陶潛嘗言夏月虛閒高卧北窻下清風颯至自謂羲皇上人

和子駿洛中書事

西都自古繁華地  
冠蓋優遊萃五方  
比戶清風人種竹

滿川濃綠土宜桑鑿龍山斷開天闕導洛波四載羽觴  
況有耆英詩酒樂問君何處不如唐

安之令子河陽官舍作蛙樂軒安之有詩寄題  
輒敢繼和

鼓吹娛俗耳蛙鳴愜雅懷最宜涼雨歇更與晚風偕驥  
子方長驚雲衢偶未諧功名當努力留此遺吾儕

和安之喜雨

吁嗟方請雨潤澤果如占黍稷固有望來薌亦未嫌聲



繁清倦枕氣冷入疎簾  
蔓喜龍頭舉泉驚虎爪添  
田疇誠最急花藥不妨兼  
詩伯才盈斛聊應費筆尖

逍遙四章呈欽之堯夫

結髮讀經史疲精非一朝  
於今成濩落所幸得逍遙  
不遑狂心息難平客氣消  
巢林易為足竊敢比鷦鷯

閒思宇宙內何物不由天  
定分不移易勞心徒棄捐  
鵬飛九萬里松壽一千年  
斥鷃與朝菌逍遙亦自然

閉目念前古飄然一烘塵  
兩儀仍似舊萬物互爭新  
軒

冕榮何在輩瓢樂最真衆人俱我笑我亦笑其人  
六合曠無際逍遙好縱遊放懷同一貫瞬目即千秋九  
遇區吏止萍隨波浪流所之皆自得何懼亦何憂

送稻醴與子才

昔賢尊道誼置醴待嘉賓今我樂閒放提壺餉故人螳  
浮杯面白味撒甕頭醇何以助高興籬邊菊藥新

感物

朝看新鷺飛暮聽子規啼尺蠖身藏葉神龜尾曳泥耕

鷹何用掣捩馬不當嘶自伐憎狙巧頽然愛木雞

酬安之謝光兄弟見過

平時一二日不見已相思況復閉關久杳無攜手期清  
談勝妙藥高韻敵涼颼愧乏機雲美虛承青眼知

酬王安之聞罷真率會

閉關寧是率辭疾似非真既處譏嘲地誰為長厚人虛  
舟非有意飄瓦不須嗔此過如何贖清秋宴席陳

安之詩有

解嘲意故以此  
戲之資一笑

和潞公伏日讌府園示坐客

盛陽金氣伏華宇玉樽開真率除煩禮耆英集上才炎  
蒸疑遠避流景忘西頽幸忝俊遊並仍慙右席陪蒲葵  
參執扇水果侑傳杯相國方留客如何務早回

和子駿新荷

嬾不窺園久元非效仲舒新荷滿沼容藍舁出門疎借  
問含煙晚能勝裛露初愧無魚戲句弄翰白紛如

和子華遊君貺園

金定四庫全書  
卷十二  
甲第朱門久不開春風潛入發江梅今朝丞相雙車轍  
碾破林間水畔苔

小桃似喜相君來爭發新花繼落梅更仗環溪醒殘酒  
沒篙春水綠於苔

太尉公引水繞園可  
延客名曰環溪

又和上元日遊南園賞梅花

梅簇荒臺自可羞相君愛賞忘宵遊未言美實調羹味  
且薦清香泛酒甌

又和遊趙中令園

中令園陪丞相遊百分勸酒不須愁春風陌上醒歸去  
只恐更為桃李羞

又和遊吳氏園二首

天氣清和無喘牛花林爛熳竹林幽臨風高詠足爲樂有  
勇知方笑仲由

名園易主似行郵美竹高松景自幽誰悟本來天地物  
長爲已有固無由

和子駿約遊一二園亭看花遇雨而止

行樂及佳時官閒無所羈只知花正發不共雨為期淺  
草碧無際濃雲冷四垂陪遊興未盡安得不相思來詩云人  
尋載酒地雨破看花期又云  
感公行樂處蚤莫得相思

又即事二章上呈

雨不成遊半路歸逢花值柳依依朝來頻飲三杯酒  
醉卧西齋晝掩扉

覺後追思氣味長歡情愁緒兩俱忘近來方得醉中趣  
熟寐沈沈是醉鄉

明日雨止復招子駿堯夫遊南園

昨朝洛北阻遊陪惆悵中橋半醉回  
潑火既經寒食雨解醒須撥凍醪

詩傳曰春酒凍醪也

遙思花寨交橫錦未分春

心斗頻灰更與二三頭白友試携薄具上高臺

戲呈堯夫

近來朝野客無坐不談禪顧我何為者逢人獨惜然  
君詩既好說佛衆誰先只恐前身是東都白樂天

聞正叔與客過趙園歡飲戲成小詩



吾廬寂寞類荒村但有林間鳥雀喧不似楚家多樂事  
笙歌拾得醉鄰園

和子華應天院行香歸過洛川

印節傳呼洛北還府庭無訟不妨閒度橋寒色侵春服  
按轡晴光露曉山香穗徘徊凝廣殿花籃繁會滿通闌  
自知白雪高難和忍愧誰能寄我顏

寒食遊南園獨飲

寒食良辰無賞心雜花爛熳柳成陰若非獨酌酬佳景

一日風光直萬金

次前韻二首

頭白惜春情更深  
花間獨醉競分陰  
泉聲醒耳自可樂  
不用歌拋滿袖金

南園莫笑獨追尋  
明日未知晴與陰  
揮手一朝辭逆旅  
滿堂安用累千金

觀孫兒戲感懷

我昔垂髫今白頭  
中間萬事水東流  
此心爭得還如是

戲走階前不識愁

陪子華燕醺聽酒半過趙中令園

簪裾丞相閣林沼令君家煙曲香尋篆杯深酒過花霏  
微燼沈水馥郁漬楨祖愧乏相如賦陪遊託後車

和秉國寄子駿堯夫二留臺

一臺二妙日追遊琥珀香醪白玉甌相下不厭賢者意  
尚言執友欠龍頭

和伯常自郢州見寄

西郊去歲揖行人柳暗花濃又一春坐想高風清入骨

沈吟佳句健生神潺湲杳靄煙波右

來書云郢西雨多潺湲杳靄

散

誕道遙興趣新應笑洛陽車馬道緇衣未免化紅塵

和潞公行及白馬寺得留守相公書云名園例

惜好花以候同賞詩二章

雲漢成章湛露晞都門宴餞羽觴飛謝安不復東山去  
爭似阿衡得謝歸

相國東郊迓帝師油幢交映碧參差都人共喜安輿到

正是餘花可惜時

和子華喜潞公入覲歸置酒遊諸園賞牡丹

介圭成禮下中天春物雖闌色尚妍  
園吏望塵皆闕戶肩輿四步即開筵  
波濤凌亂鞞旁錦風雨縱橫撥底絃  
洛邑衣冠陪後乘尋花載酒願年年

陪致政開府太師留守相公致政內翰燕集輒  
歌盛美為三公壽皆用公字為韻

獨佐成康世高年有畢公  
神心降維嶽龜兆告非熊  
黃

閤遵成範太常書茂功歸來保眉壽恩禮享優隆

右太師

東閣延髦士西都守別宮不忘如衛武難老似僖公位貌今雖遠官僚舊忝同開懷盡卮酒足以厚時風

右相公

眉似高僧秀顏如童子紅忠純汲長孺高潔夏黃公矯矯遼東鶴冥冥塞北鴻自誇新酒量像想百分空

右內翰

景仁將歸穎昌輒為詩二十韻紀贈

秀發西南美挺生河嶽靈雕龍蔚文采老鸛瑩儀形落筆高時雋飛綏侍帝庭英聲軼雲漢遠勢擊滄溟苦節

專憂國嘉謀每據經溫雖比主壁直不避雷霆道勝軒  
裳薄神和氣體寧忠誠懷猷畝樂事寄林垞藻鑒評隨  
月過從德應星苦吟金出礦確論木銜釘賤子叨流輩  
高風仰典刑巨川容滴水餘景借流螢久別眉俱白重  
來眼更青淹留弦與晦遊集醉還醒有酒須相就無歌  
不共聽奇花喧夕市疊鼓咽春亭揚袂行辭洛回車去

望陘

許西北有陘  
山見來書

往還天表鴈離合浪間萍異日期同

傳

景仁嘗言他日與光  
若得在同史必同傳窮泉約互銘

光與景仁約後死  
者當為先死者作

墓銘  
古今難得事交分保頽齡

復用三公燕集韻酬子駿堯夫

官閒虛室白粟飽太倉紅朝夕掃三徑往來從二公兼  
葭徒倚玉燕雀豈知鴻相過輒同醉惟愁樽酒空

和吳朝議

執中字  
幾聖

同年謝光與景仁同年見過

結綬東堂同發策白頭相值益相親却思景祐無多日

共見元豐有幾人天下高名歸廣受二公皆  
致仕古來交道

重雷陳謝公身老才方壯落筆成章字字新



伏蒙留守相公賜示陪太師潞公東田宴集詩  
輒敢屬和

舞雩新雨浹公田水滿東溪上下天行徑乍迂初見箭  
浮舟正好未生蓮絃收裂帛胡琴闕袖結清風楚舞妍  
相國火城光滿路夜歸不假玉蟾圓

和潞公招堯夫不至

東閣樽壘招共飲後房羅綺約同觀既無薊子分身術  
須欠車公一座歡

和子華招潞公暑飲

朱門近在府園東，杖屨過從跬步中。  
避暑連翩投轄宴，析醒蕭灑滿襟風。  
閒來高韻渾如鶴，醉裏朱顏却變童。  
剪燭添香歡未極，但驚銅漏太怱怱。

再和伯常見寄

誅茅宋玉宅邊人，知醉宜城幾甕春。  
細雨短蓑漁向市，孤村極浦鼓迎神。  
徧遊七澤身忘倦，更賦千篇意轉新。  
不必滄浪羨清泚，鄉來纓上已無塵。

再和秉國約遊石淙

上國分攜十五秋未嘗偶坐捧茶甌  
石淙今會須如約彼此霜毛各滿頭

席君從於洛城種金橘今秋始結六實以其四  
獻開府太師招三客以賞之留守相公時賦  
詩以繼其事光竊不自揆輒依高韻繼成五  
章

宜春果結洛陽枝

太師云此果本出袁州

正遇耆明會客時更引

輕舟倚蘆岸香秔鮮鱸雅相宜

圓小香黃珠顆垂結成洛邑重霜時相公和氣陶羣物  
不是寒溫變土宜

君從好事不知疲種子成株凡幾時摘獻帝師三取二  
自寄兩顆且隨宜

物不須多且賞奇禦寒相見結庵時江南江北徒虛語  
盡信前書是不宜

弊居橘亦自南移愛護栽培費歲時前此實成酸苦甚

應由與德不相宜

和留守相公九月八日與潞公宴趙令園有懷

去年與景仁秉國遊賞

今歲台星聚洛中  
甘棠前後雨陰濃  
英辭唱和詩千首  
高宴遊陪祿萬鍾  
木末霜繁花未落  
雲間字小鴈相從  
西湖在望親朋遠  
節物那堪處處逢

和留守相公寄酒與景仁

想對白衣初滿傾  
執杯未飲已詩成  
懷賢孤坐悄無語

不是朝來困宿醒

和秉國芙蓉五章

清曉霜華漫自濃  
獨憑愛日養殘紅  
勸君秉燭須勤賞  
閨闥難禁一夜風

北方稀見誠奇物  
筆界輕絲指捻紅  
楚蜀可憐人不賞  
墻根屋角數無窮

平昔低頭避桃李  
英華今發歲云秋  
盛時已過渾如我  
醉舞狂歌插滿頭

後時獨立誠難事，猶賴階庭有菊叢。  
綽約霜前弄姿態，非如羣木萬林紅。

但見涉江求水際，豈知勝木采霜中。  
微紅未肯全衰歇，正似酡顏鸛髮翁。

和堯夫見寄

志趣苦難合，悵悵何所依。  
逢君始相照，知我信為稀。  
忽報除書下，徒瞻征蓋飛。  
相思千里遠，洛浦又春歸。

仁政如慈父，蒲人得所依。  
教條前後接，風迹古今稀。  
試

郡纔書最還朝必奮飛西臺舊班列猶望繡衣歸

華嚴真師以詩見貺聊成二章紀其趣尚

知足隨緣處處安一身溫飽不為難禪房窄小纔容榻  
此外從他世界寬

素髮青眸七十餘未嘗遊學只安居旁無几杖身輕健  
應為心閒得自如

和子華過王帥家見梅花盛開呈君實子駿兼  
簡堯夫



去年與客盡清歡今日重來立馬看猶是攜觴同醉在  
只愁風雨橫相干

和張伯常賀遷資政

不駕使車開漢關如相不棲巖穴鍊金丹子微豈無閑徑三

人友分著垂綏五寸冠隨遊之士坐飽太倉猶自愧謬躋祕

殿益難安願同野老嬉堯壤長守先生苜蓿盤

又書一絕戲呈

伯常遠自郢中回喜與愁心相繼來幸得蒹葭依玉樹

慙將瓦礫報瓊瑰

又和南園真率會見贈

白頭難入少年場  
林下相招莫笑狂  
綠篠影侵碁局暗  
黃梅花漬酒卮香  
任真自愧散羞薄  
假寐初便枕簟涼  
酬應詩豪困牽率  
從來嬾放似稽康

春日思景仁

去歲洛城中嬉遊處處同  
從離嶢嶺北常夢潁泉東  
草遶春街碧花繁夕市紅  
臨風默惆悵想像白眉翁

效趙學士體成口號十章獻開府太師

都人共喜太師回

頻必切

戶爭迎不得催  
正值土樓灘

水淺大家出手挽船來

東郊車馬走紅塵  
城外多於城裏人  
誰信今朝還政後  
過如前歲下車新

歸來甫可及春殘  
丞相頻邀賞牡丹  
遠處名園多不到  
尊前日獻百餘盤

洛陽風俗重繁華  
荷擔樵夫亦戴花  
貪看二公同宴會

遊人昏黑忘還家

公厨敕許釀芳樽  
屢喚賓朋醉後園  
謔浪畧無名位間  
誰人知道太師尊

過春稀復到諸園  
厭苦終朝鼓吹喧  
招得老僧江外至  
啜茶揮麈話松軒

東田小籍選新聲  
歌吹胡琴色色精  
客少有時全不用  
天然水竹湛餘清

首夏清和新雨晴  
綠莎細軟不妨行  
園夫遮道白何事

梔子花開斑笋生

矮帽長條紫縠衫  
朱門深靜似重巖  
莫言永日渾無事  
種藥移花一一監

八十聰明強健身  
況從壯歲秉鴻鈞  
功名富貴古亦有  
無事歸來能幾人

自嘲

盤飧羅新蔬充腹  
不求餘窮巷畫扃  
戶閒軒卧讀書有  
心齊塞馬無意羨  
川魚世道方邀逐  
如君術已疎

虞部劉員外約遊金明光以賤事失期劉惠詩

見嘲以詩四首謝之宗孟

絲管嘈嘈耳不分綺羅雜踏自成春  
不唯漢帝昆明小更覺唐家曲水貧

絳闕朝歸散玉珂不遊不飲奈春何  
皇仁聽使歡娛極白簡從君冷峭多

碧柳紅桃照眼春綺肴芳醴集朝紳  
自嫌林野疎頑迹難預風流席上賓

上苑花繁高覆牆曲隄風暖柳絲長  
爐邊應有步兵尉  
甕下難尋吏部郎

孫器之奉使淮浙至江為書見寄以詩謝之五

首

欄矢迎山驛輶車下帝臺  
夜看牛斗分應有使星來  
曉棹旌旗迥暮河鉦鼓喧  
商船極目避漢使一何尊

吳釀木蘭春

蘇州有木蘭堂酒


紅鱸白錦鱗玉盤聊下筯  
初識

紫絲尊

由貼晴天潤舟緣石岸深  
吳江中石岸長數里遙知作書處纜裏  
綠波心

沙渚鶴爭飛波光可染衣松江異淇水信美不如歸  
之

家衛  
州





傳家集卷十二

欽定四庫全書

集部  
傳家集卷十三至  
五

詳校官庶吉士<sub>臣</sub>李如筠

檢討<sub>臣</sub>何思鈞覆勘

總校官庶吉士<sub>臣</sub>倉聖脉

校對官監丞<sub>臣</sub>張魯炳

謄錄監生<sub>臣</sub>陳燦

欽定四庫全書

傳家集卷十三

宋 司馬光 撰

律詩八

送導江李主簿君俞

學海無涯富辭鋒一戰勳聲華掩終賈賦頌繼淵雲五  
斗為邊吏千倉飽戍軍明恩美尤異優秩賞能勤黃祖  
陰懷怒張湯巧用文折雖因木秀燒不變蘭薰迹有窮  
通異心無得喪分龍蛇寧久蟄玉石豈俱焚蜀國花饒

思臨邛酒易醺西風時有意尺紙慰離羣

送峽州陳廩祕丞三首

宜都賢太守治迹古人齊虎負衆子去鳳環羣鳥棲行  
增潁川秩別降武都泥正恐還朝速春林未子規

郡府猿聲外旌旗鳥道邊樓高出楚塞煙霽識巴船襦  
袴嗟來暮簪紳惜外遷皇仁矜遠俗非謂意疎賢

地險三巴口江流百折蟠騶珂通峽響門戟照秋寒翠  
壁虎牙石素花狼尾灘孫劉置柵處細為寫圖看

送聶之美攝尉韋城

徒勞已足倦漂泊益栖遑短劍無三尺征衣共一囊折  
腰從事馬替謁使君堂併日屢承檄無時不裹糧官曹  
大兒戲弓槊小軍行破柱翻偷屈傾林索盜賊村墟旅  
顏黑風日故衫黃暝宿投煙舍朝餐蔭道桑唯憂課書  
殷豈慕薦飛章志氣空磅礴才華浪激昂鐫鑱圭始瑩  
磨拂鑑尤光衣褐仍纏袴無羞俗吏裝

送吳辨叔大名司戶二首

元宰司宮鑰旌旄壓大河敢言趨府倦私歎折腰多機  
發何妨避光塵未免和艱難方遠到慶閭肯蹉跎  
致遠必自近如君豈掾曹魚龍試春浪松枯露秋毫錯  
落辭華富礪氣節高垂天起膚寸無歎走塵勞

送楊太祝<sub>忱</sub>知長洲縣

三吳佳縣首民物舊熙熙專用清談治非如俗吏為林  
疎丹橘迥稻熟白芒歌宜使民無忘嚴修太伯祠

送韓太祝<sub>縝</sub>知錢塘

冠佩鬱相映由來積德家一時推雋異四海走聲華  
圖籍添舟重江山忘路賒夷塗指霄漢跼蹐不須嗟

送趙書記衆之官華州

車馬西城外遙遙未有塵辭梁猶帶雪過洛漸生春  
幕府斜依嶽關山曲抱秦曩來謨畫拙不必笑前人

送華亭沈主簿

執袂青門道蕭蕭馬欲東暮雲零落翠遠樹淺深紅  
楚澤吟聲裏吳山醉眼中相思杳何許野鶴唳高風

送鄭推官戡赴邠州三首

形便邠公國旌旗擁將壇秦雲低落日塞樹怯春寒草  
檄無留思投壺不廢歡還應笑黃卷寂寂守儒官

百榼行春樂千弓從獵豪苦吟邊月冷飛鎬野風高奇  
策鞭殊俗長纓繫不毛輸君躍馬貴一等著青袍

驕虜已歸計聖朝方寢兵時聞候火入非復塞塵驚秋  
嶺無南牧春田恣北耕休窮西海路辛苦學甘英

送何萬下第歸蜀二首



十上終無就才高定復論清時守儒術白首在丘園遠  
樹隱殘日孤煙生暮村揚鞭萬里去幾許不銷魂

失意流年老殘春對夕陽可堪臨遠道更復舉離觴花  
柳已蕭索雲山復渺茫西風如有意音信勿相忘

送王殿丞景陽

知眉山縣二首

先公與祕閣府  
君相繼為利州

路轉運使予與  
眉山同年登第

疇昔侍嚴親俱為綵服人遊蘭已多益得桂復同春風  
樹悲歡異萍波聚散頻峽中盡遺事何處不霑巾

君行杳何許萬里蜀雲西野色春期近林煙曉意迷天  
藏巴峽小星逼劍關低莫使鄉愁亂咬咬信子規

送朱校理

案字  
庶叔知維州

東國連年水傷稼使君到部即行春茫茫四野潢汙竭  
鬱鬱萬行桑柘新俗不好奢田器貴獄無留繫吏家貧  
齊人忽怨歸朝速自是承明侍從臣

送孟著作

翔字  
仲習知濟陰

聖主焦勞意誰云百里輕東州比災害劇令選精明水

去良田闢人歸旅穀生問閭還舊觀鷄犬變新聲盜散  
疲民活姦窮老吏驚政成知不日雙耳為君傾

送馮狀元京歸鄂州

夙昔負奇節琅然為眾殊下講連得雋出手盡成盧  
氣兼鄰曲榮名溢道塗風雲俱動色非復舊江湖

送吳耿先生

先生通六經大義客  
閩中今還建陽北山

儒服若煙海幾人潛聖心難才成自昔賤學況于今夫  
子獨神解明時何陸沈大羹無和味至樂寡知音磻磴

貂裘弊飄蕭鶴髮侵遊秦不得意思越動長吟甌米難  
求玉經囊益少金拂衣謝賓友縱棹指雲岑積葉迷幽  
逕荒藤絡舊林澗猿驚重至野老喜相尋山色猶當戶  
絃聲不變琴人生貴適意何必慕華簪

送高陟歸金陵

三舉不登科以好學孝弟聞於鄉里

之子秣陵去悠悠天塹東帆開曉風疾潮落夜江空在  
昔才華盛至今人物豐山川氣雖盡龍虎勢猶雄卞玉  
已三獻齊禽會一冲當令關下吏洗目認終童

送僧聰歸蜀

翠柏老精舍紅塵倦帝城  
千山一錫遠萬里片雲輕  
江棧紆還直天星縱復橫  
聽猿應更喜還是故鄉聲

送史館任祠部顓河東轉運使

問望簪紳舊恩華雨露重圖書  
周內史汾澮晉全封秀  
發千尋壁寒生百鍊鋒  
歸時門有戟惜別更從容

送冲卿通判河中府校理吳充

聞道名都行有期依然想見昔  
遊時寒光一曲秋河轉

翠嶺三條夕照移孤竹舊風民有讓重華餘教俗無疵  
不須到日方登歷已在君家十二詩

送史館唐祠部

詢字  
彦猷

江南西路轉運使

豪傑爭唐鹿江南號富強明時雖混一餘俗尚彫傷稅  
版誅求急詞曹牒訴忙皇心愍頽弊使節付才良貪吏  
先投紱姦民盡越鄉閭閻無挿筆田畝有棲糧漢閣歸  
期闊隋河去驛長風高片帆疾鉦鼓入秋光

送張寺丞覲知富順監

漢家五尺道置吏撫南夷欲使文翁教兼令孟獲知盤  
羞蒟醬實歌雜竹枝辭取酒須勤醉鄉關不可思

送二同年使北

華纓下玉除天子寵匈奴雖復夷風陋猶知漢使殊夜

烽沈不舉秋杳寂無虞何必燕然刻蒼生肝腦塗

右呂  
儕叔

雲愁雪欲零四牡出郊坰古塞煙華紫寒沙日氣青金

門祕雞樹朱節耀龍庭幾夜天街北遥占漢使星

右李  
公素

送沈寺丞

紳

知南昌縣

字公儀

長江湛湛帶楓林古木寒雲縣寺深老吏不能容狡獪  
細民無復有冤侵洪崖丹井聞猶在徐孺衡門說可尋  
寧復淹留如寶劍更令牛斗氣沈沈

送王校理

譚字公和

守瑯琊

沂公兄子為公後

金門倭鳴玉千騎出東方封略依滄海枌榆近故鄉秦  
碑苔蝕字邨稻日翻芒國吏遙應識當年丞相郎

送龔章判官之衛州

新及第

几硯昔年遊於今成十秋松堅終發石魚變即辭流近



郡無飛檄清時不借籌淇園春竹美軍宴日椎牛

送王瓘同年河南府司錄

字文玉先君嘗為此官

綵服昔為兒隨親宦洛師至今餘夢想常記舊遊嬉佐史頭應白書樓樹已欹聞君行有日使我淚交頤

送王彥臣同年通判亳州

字伯達

先朝御六飛親謁瀨鄉祠牛酒當時惠衣冠此日思仙蹤丹有竈天瑞檜生枝聖主憐耆舊題輿得吏師

送茹屯田孝標

知無為軍

疊鼓鳴鐃迎候新軍牙子子倚淮津聊應衣繡過鄉曲  
不作引章驚故人荻迸短芽淝水暖荷浮圓葉藻湖春  
使君此去榮多少猶是當年書劍身

送邵不疑知常州

宦學不營身京華費十春非貪為郡樂意欲與民親祖  
帳青門道歸帆揚子津江山舊遊在煙火故鄉鄰敢惜  
離群闊欣聞得吏循嗟余一囊米深負鬢絲新

送聶之美任雞澤令

趙魏高氣俠到今風俗然推埋吏難禁擊斷世稱賢明  
府宜更瑟罷民庶息肩無如繭絲者急欲縱敲鞭

送張祕校牧知分寧

獻臣父

百里大夫官不輕莫嗟領上髮垂星人生穀祿偏宜晚  
世路艱難不厭經數曲秋江縈縣白幾峯霽色入簾青  
于公嚮日多陰德已有鵷鵠在帝庭

送韓直講

鐸字子文

鄆州寧親

車馬儼何之東岡舊有陂三年別親意千里達家時去

仕元戎幕來為太學師寧須負斗米不復斷機絲物色  
迎歸輟光輝入壽卮人生無此樂此樂獨君知

送丁祕丞

翊字公佐

知雍邱

古縣跨河流人繁軍市稠羽飛朝暮驛鮮疊往來舟兄  
擅才華久時推政治尤足猶妨老驥目不礙全牛從道  
西來近能無東望愁時因趨上府窮巷一相求

送計先輩

泰符

尉宗城

紅塵久帝城高價動公卿竹栢寒方茂驂騮老更成冰

霜驅馬瘦書劍束裝輕丞相虛東閣遙知倒屣迎

送趙殿丞

象字子與歸成都  
祀明堂禮畢子與新升朝以恩官其父大理評

字事賜告歸寧得其除書以俱二三同舍為詩以紀其美僕得回字

蜀棧錦衣來高堂綬笥開恩輝同日至喜色共春回  
馬過鄰社朝裾捧壽杯吾生無此樂空使寸心摧

送張都官

肅字子莊江南東路提刑  
得前字

楚俗號難治司刑尤擇賢危疑片言決舒慘一方專  
不彫寒色絲曾斷直絃清風過江外應在下車前

送楊祕丞 秉通判揚州

苦聞小杜說揚都當昔豪華今在無江勢橫來控南楚  
地形前不瞰東吳萬商落日船交尾一市春風酒並壚  
得意莫忘京國友踏塵衝雪奉朝趨

送光祿王卿 用致仕歸荆南

九列誰云非顯塗人生已不負為儒拂衣長揖夔龍貴  
散髮還為黃綺徒白鶴歸飛心自遠青霞高舉勢何孤  
千金盡與鄉人費不向江頭買木奴

送王殿丞格西京簽判

清白世風存王公復有孫挺生如玉樹不竭似淮源日  
背嵩峯紫春添洛水喧幕中多勝友肯使負芳樽

送謝都官顗知光化軍

廐吏整車馬忽忽辦曉裝青緇出閭闔朱旆指滄浪野  
店杏初發津亭柳已黃行行不可駐猶及勸耕桑

送仲更歸澤州

太行橫擁巨川回三晉由來產異才展墓乘春走鄉陌

負書拂曉下蘭臺  
河陽路側花應合  
天井關頭雪未開  
會使鄉人驚六印  
莫羞今日弊裘來

送劉觀察

從廣

知洺州

漢家英俊士  
衮衮出金閭  
久襲通侯籍  
新腰太守章  
吟封連故趙  
廬井帶清漳  
春色迎饒吹  
應忘道路長

送晁校理

仲衍字子長

知懷州

雞犬相聞桑柘春  
風光明潤帝鄉鄰  
群峯斜轉太行角  
萬谷同趨馬頰津  
簪組傾都邀別袂  
壺漿滿路候行塵



非君厭薄承明直天子方今重治人

席上賦得榛字

微物生山澤蕭條荆棘鄰何人掇秋實此日待嘉賓雖  
無木桃贈投此寄情親

送師道知長溪因歸觀省

羈旅帝城久逢人青眼稀聞君又當去使我益思歸佳  
色鄰鄉樹高堂望綵衣春流先自疾心出片帆飛

送次道通判西京

相府新承檄蘭臺舊校文題輿榮得士把袂惜離羣  
首夏郊原秀晴陽草樹曛觚稜日邊遠關塞霧中分  
翠嶺林端出飛泉竹外聞金羈遊爛熳珠履醉繽紛  
人服聲光重官無薄領勤歸期肯留滯漢主待淵雲

送劉儀先革大名尉

潭潭相府開旌騎擁三臺聞道廷中吏無非天下才  
策名新振拔把板尚低回勿為卑飛困青冥盡此來

送皇甫寺丞穆知藍田縣

南山三輔劇百里古諸侯誰為絃歌小不分宵旰憂煙  
橫輞川暝雲照武關秋安得無羈束從君一縱遊

送祁嶠潁陽主簿

蒼山臨縣郭雲木冷蕭騷人有漁樵樂官無簿領勞垂  
天起膚寸合抱本纖毫志意誠脩立歸飛羽翼高

送李尉以監丞致仕歸閩中

行行歌式微浩歎返荆扉却著登山屐盡焚趨府衣溪  
清魚影亂竹閣筍牙肥應悔浮名誤空將白髮歸

送李祠部

復圭字  
審言

知滑州

東郡隄繇苦羸來煙火疎提封百里遠生齒萬家餘賢  
守車纔下疲人意已紆行聞謠五袴京廩滿郊墟

送田校理

諒字  
仲孚

知晉州

前判吏  
部南曹

銓筦萃賢豪夫君主劇曹長才沛餘裕衆論蔚推高逮  
此分符貴知無頓刀勞公卿如有缺不獨賜金褒

送人為閩宰

萬里東甌外溪山秀出羣鄉人皆嗜學太守復工文正

用慈良化居無牒訴紛誰云遠京國佳政日相聞

傳家集卷十三